


漢書門		
二	一	三
七	八	五
三	六	九
類	號	函
架	冊	架

內閣文庫		
漢	二	三
書	八	七
類	九	五
架	冊	架

內閣文庫		
番號	漢	2873
冊數	6	(2)
函號	308	90

檢
索
隨
筆


五之十一
友





檢盡隨筆卷五

淺草文庫



身體類
睡訣

成都楊宗吾伯相甫纂著
上海王尚修季高甫校閱

花竹幽窓午漏長此中與世暫相忘華山處士如
相見不覓仙方覓睡方此宋無名氏詩也然則睡
亦有方乎遺教經云煩惱毒蛇在汝心睡蛇既出
乃可安眠千金方有先睡心後睡眼之語

天馬仙源
手為天馬鼻為仙源真詰

船礮
船礮謂箕踞也又曰箕坐

楚人謂啼極無聲為嘔

幽憂

我有幽憂之病○幽憂猶今言暗疾也莊

眼黑

眼黑猶言貪墨也

槁頂黃馘

槁頂黃馘○言其老也黃馘髮黃而被耳也槁頂瘦而無肉也莊

蒼華

蒼華髮神名白樂天和祝蒼華詩末云蒼華何用祝苦辭亦休吐

粉犀

人氣粉犀以犀寸許置人懷之候熱搗之如粉

扼臂

和凝詩玉腕重嫌金扼臂○扼臂今之獨頭也又古樂府何以致奉奉約臂雙金環又皓腕約金環康伯可詞臂銷不奈黃金杓

重研

百舍重研而不敢息研音藹足生厚皮也

六根

六根眼如蒲挑朵耳如新捲荷鼻如雙垂瓜舌如初偃月身如腰鼓顙

銜枚規瑱

舌銜枚漢書耳規瑱國語○皆喻不言

治癭

以錫或鉛入水瓮底能消癭○一說川益川茶亦能消癭驗之信然

簪短帶長

簪短帶長○簪短髮不梳也帶長身瘦也

口方舌圓

口方舌圓○佛經云舌頭無骨言語貴圓也

頽頽

頽頽音料弔人長之貌

聖賢異相

伏羲日角黃帝龍顏帝嚳戴肩顛頽駢駢禹耳三漏湯臂二肘武王齟齬孔子返宇顏回重瞳臯陶鳥啄

丈人

人形以一丈為正人壽以百歲為正故謂男子曰丈夫稱公姬曰丈人

重瞳駢肩

虞舜重瞳顏回重瞳項羽重瞳王莽重瞳○晉女駢肩張儀駢肩

瓠犀微齸

茶山梅子詩莫向君家樊素口瓠犀微齸遠山顰○齸初去聲齒怯也

舌澁

南史劉義宣生而舌澁舌澁口吃也

鑷白

白須髮鑷去消蠟點孔中即生黑者又云胡粉石
灰以水和之塗髭鬚不白

人形象天

姚信昕天論云人為靈蟲形最似天今人頤前多
臨胷而項不能覆背故知天之體南低入地北則
偏高

檢靈隨筆卷六

成都楊宗吾伯相甫纂著

上海王尚修季高甫校閱

冠履類

繡領

傅玄詩顧繡領兮含暉梁簡文帝詩忌跌行衫領
梁張率詩方領備蟲彩曲裾雜鴛鴦古者婦女之
衫領多繡作蟲蛻之形教坊優人戲衣謂之紫花
領蓋古之遺制

葛衣之始

韓非子通解曰伯夷哀天下之偷則服食其葛薇
逃山而死夫夷齊採薇而食之世知之矣採葛以
為衣所米聞也

下宮

田需對齊王曰下宮揉羅紈曳綺縠而士不得以
為緣○下留後宮也揉羅紈素也下宮宇亦新奇
齊宣王

翎翹

國策遂賜周紹胡服衣冠貝帶黃金師比以傳王
子○按注武靈王貝帶翎翹而朝翎翹注曰私紈
未詳一讀犀毗○毗者臍也犀牛皮堅而有文其
色光潤西域人割取以為腰帶之飾曹操以犀毗
一事與人是也

革冠縑履

原憲華冠縑履○華冠以木皮為冠縑履履不着
跟也即今鞞鞋是也讓王篇

白帽

古人首服多用白如皮弁白接羅白命巾白纓巾之類但以粗細爲吉凶之別耳霏雪錄云白帽隱者之服管寧不應州縣之辟故常着白帽老杜亦云常念着白帽采薇雲端南史和帝紀百姓皆着高屋白紗帽再考杜少陵集因嚴中丞枉駕詩云阜帽應兼似管寧夫曰阜帽則又似有色非白帽矣且與前常念着白帽之句自相矛盾或者白字誤爲阜耶○今齊魯間人尚以葛苧爲帽亦白帽之遺意也

資章甫

宋人資章甫適諸越○資字奇甚謂販貨也道遙篇

象紗

象紗今之斜文是也

鬧裝帶

先太史公集謂鬧裝帶起於唐時引樂天詩貴主冠浮動親王帶鬧裝近見樂天詩集一本作親王響鬧裝○又薛曰詩九包縮就佳人髻三鬧裝成子弟鞦韆馬飾也是則響亦有之矣

袈裟

袈裟三色青色者銅青染黑色者雜况染衣蘭色者樹皮染也教乘法數

一撒素積

博雅擻袂謂之襪今之一撒也又作一襪○素積今之細褶布衫見俞玉吾腐談素積出荀子

狗冠犹服

狗著進賢冠○漢靈帝事○東觀漢記靈帝寵用便僻子弟賣關内侯直五百萬强者貪如豺狼弱者略

不類物真狗而冠也犹衣元聖服莊子取猿犹而衣以周公之服

九壁錦

成都九壁村出美錦

襪

至魏文帝吳妃乃改樣以羅為之後加以綵繡畫至今不易至隋煬帝宮人織成五色立鳳朱錦襪

靚裳羽衣

霓裳五色紅綠黃相間唐人謂之五色暈裙金靴
德府虎班絹其遺制也羽衣以鳥之翠毛飾袖口

貂蟬

漢侍中皆戴貂蟬冠貂取其溫蟬取清潔也

檢蠹隨筆卷七

成都楊宗吾伯相甫纂著

上海王尚修季高甫校閱

人物類

將相事業

裴度科舉鑄劍戟爲農器賦云寰海鏡清方隅砥
平驅城中盡歸刀稼穡示天下不復用兵其後平
淮西入相天子以致太平已見于此文矣宋范仲
淹試金在鎔賦云分別研礪願爲藻鑑削平僭亂

請就干將異日出將入相以成大業亦先兆此時
二事相類

平聲口脂面藥

令狐綯謝口脂紫雪表云靈膏有瓊液之名仙散
擬雪花之伏職當喉舌匪效魯國之三緘任在變
調請獻謝莊之六出○令狐綯令狐楚子

湛元明

湛元明作京闈武舉錄序曰文經天武緯地文出
神武沒鬼上二句可也下句神出鬼沒是何言與

京師滑稽者戲其所取士曰尔輩一榜皆鬼也其
年武進士多死者亦不祥哉元明為白沙門生講
學京師人為之語曰前門講道學後門賣真珠歸
廣州欲強占士人宅一日來視其士人凡門戶皆
帖隨處體認天理六大字元明見之內愧不果買
又與方西樵爭娶一寡婦得財數千兩噫今之所
謂道學乃如是乎

阮籍

阮籍謂士之處今世如蝨處視中○嗚呼籍附司

馬昭乃蟲之尤偶不遭火焚耳便王凌母丘儉得志籍尚有餘命哉

東坡三養

安分以養福寬胃以養氣省費以養財

霍渭先評蔡京

霍渭先家訓曰蔡京位宰臣上稱之曰公相蔡攸執政上稱曰相公同在宮中秘晏上戲之曰相公公相子京對曰人主主人翁徽宗幸京宅京表謝曰主婦獻壽請醕而肯從稚子牽衣挽留而不却

時以爲榮曾幾何時父子祖孫分散死亡家宅荒蕪魂骨無歸作姦臣何益也

蘇武

蘇武牧羝北海上其節凜然固不可及矣然娶胡婦生子抑又何也殊不知匈奴難之者無所不周苦之者無所不至娶婦生子一以安匈奴一以全性命歸漢也不然身死其地骨瘞虜廷豈不辱哉坡謂色慾之心雖武不能免不知武矣一婦奚足以汙其清風大節耶

日新要錄

傳玄

傳玄天性峻急不能所容每有奏劾或值日暮捧白簡整簪帶坐而待且于是貴近攝服臺閣生風

古今人改名

歷考古人無改名惟有弒君者三人楚公子圍弒君而改名熊虔吳公子光弒君而改名闔廬楚公子棄疾弒君而改名熊居我

國朝胡靖改節而改名廣張璠亂政而改名孚敬

刑子才

北齊以犯大辟奴婢百口及貲與辛術二三辭不受刑子才遺之書曰昔鍾離意云孔子忍渴於盜泉便以珠璣委地足下今能如此可謂異代一時

鮑焦

鮑子名焦周末人汙時君不仕採蔬而食子貢見之謂曰何為不仕食祿曰無可仕者子貢曰汙時君不食其祿惡其政不踐其土今子惡其君處其土食其蔬何志行之相遠也焦遂棄其蔬而餓死

謝靈運

謝靈運有云天下才一石曹子建獨占八斗餘得
一斗天下人共分一斗

范純仁

范純仁嘗曰我平生所學惟得忠恕二字一生用
不盡以至立朝事君接待僚友親睦宗族未嘗須
臾離此也又戒子弟曰人雖至愚責人則明雖有
聰明恕已則昏爾曹但以責人之心責已恕已之
心恕人不患不到聖賢地位也

張子韶

張子韶曰管仲不學故有三歸反坫之失晏子不
學故有浣衣濯冠之失子產不學故有鑄刑書之
失霍光不學故有陰妻邪謀之失是數公者或尊
大王室或處死不亂或精明博洽或朴厚端重世
皆驚歎巍然兀然若北斗之經天華嶽之居地也
惜夫先王之道既散聖人之學不明故使夫數公
者直情徑行無所歸赴自處不幸之列可悲也已

生員奇對

雪消獅子瘦月滿兔兒肥

一文宗出一生員對者

林環

狀元林環赴試試官出聯云尚書二典三謨臣謨
君典林云大學一經十傳賢傳聖經至夕各給燭
一仍出聯云一條燭盡燒殘舉子之心林云三幅
文成驚破試官之膽

傳咸

傳咸曰人有遺余琉璃卮者小兒竊弄墮之不潔
意既惜之又感物之汙辱乃喪其所以爲寶况君
子行身而可以有玷乎

十八學士

唐太宗初封爲秦王時開館延賢人得十八人世
傳十八學士登瀛洲本此

陳后山

陳后山扈從南郊不肯服趙挺之衣因凍而死陽
節潘氏以爲却衣凍死寔陳三之細事夫身者親
之遺也子全而歸之孝之終也故曰死生亦大矣
孰謂凍死而爲事之細耶夫挺之人品固可鄙而
其衣固可却矣然當時班行故舊中獨無一綈袍

可假之禦寒耶易曰苦節貞凶后山之謂也

先文忠公作對

先曾大父文忠公三齡時提學高祖命對曰小子名斗以夢北斗而生斗對曰孔聖諱丘由父禱丘而降丘

文人之短

屈原露才揚已顯暴君過宋玉體貌容冶見遇俳優東方曼倩滑稽不雅司馬長卿竊貨無操王褒過章童約揚雄敗德美新阮籍無禮敗俗稽康凌

物凶終 此文人之短也

正揚

先太史公博極群書著作百數十種

國朝以來宇內無兩即如近代王元美先生謂先公才情蓋代未嘗少有指駁而獨不滿于一汝南陳晦伯故有正揚一書云其曲引舛正無非皆洗垢索瘢余不暇條辨枚列姑舉其橫逆不通者一二於左以告大方之家云

先太史異魚圖贊云鯢本魚子細如蠶茸莊周寓

言鯤化為鵬譬彼詩頌雅育桃蠶千古言詮誰發
其矇注云北溟有魚其名爲鯤鯨之大不知其幾
萬里此寓言也按內則卯醬卯音鯤國語曰無禁
鯤鮪皆以鯤爲魚子至小之物也莊子以至小爲
至大便是滑稽之開端後人皆不得其言詮雖郭
象之沉思亦誤况司馬彪輩乎王元美大士語亦
陳晦伯正揚云晏子春秋載橘枳狗門之說史
滑稽傳紀叔敖葬馬之詞乃云滑稽開端豈周
在楚莊齊景前耶

宗吾按滑稽二字其來古矣非因滑稽傳而始
有也先公言莊周滑稽蓋以周放達詼諧開端
西謂鯤化為鵬在逍遙篇首故云滑稽開端耳今
西晦伯拘定滑稽傳謂周豈在楚莊齊景前則膠
合固不通古今矣
先太史公云世傳西施隨范蠡去不見所出只因
杜牧西子下姑蘇一舸逐鴟夷之句而附會也予
竊疑之未有可證以折其是非一日讀墨子曰吳
起之裂其功也西施之沉其美也喜曰此吳亡之

後西施亦死于水不從范蠡去之一證墨子去吳越之世甚近所書得其真然猶恐牧之別有見後檢修文御覽見引吳越春秋逸篇云吳亡後越浮西施於江令隨鴟夷以終乃嗟曰此事正與墨子合杜牧未精審一時起筆之過也蓋吳既滅即沉西施於江浮沉也反言耳隨鴟夷者子胥之譖死西施有力焉胥死盛以鴟夷今沉西施所以報子胥之忠故云隨鴟以終范蠡去越亦號鴟夷子乃影傳此事以墮後人于疑網也既又自笑曰范蠡

不幸遇杜牧受誣千載又何幸遇予而雪之亦一快哉

陳晦伯正楊云唐陸廣微吳地記云嘉興縣一百里有女兒亭勾踐令范蠡取西施以獻夫差西施于路與范蠡潛通三年始達子吳遂生子至此亭其子一歲能言因名女兒亭越絕書云西施亡吳國後復歸范蠡因泛五湖而去觀此則逸篇寧非影傳耶
王元美云揚陳之證西施各有所出難以臆斷

第陳引吳地記云大有可笑夫蠡必不爲此事
語兒者就李也陳之駁揚可謂夢中說夢矣
宗吾按先公之引證詳矣陳晦伯所云裨官小
說不足憑信勾踐棲于會稽夫差雄據姑蘇相
去十餘舍不過五百里而遙豈有在路潛通三
年生一子始達于吳之理道路傳聞蠡豈不懼
况吳王猜雄之主必不爲蠡所愚即使吳出于
於不知不疑而納之焉有臥薪嘗膽之越王遣一
不范蠡五百里之內三年始得報命乎縱不畏吳

豈不畏越此事理之所必無者元美云語兒者
就李也此乃溪名一名語兒中涇在吳越時為
吳栖兵之地今俗舛為女兒溪彼不觀統志乃
謂先公逸篇爲影傳何耶昔二程先生有云學
不貴博貴于正而已矣言不貴多貴于當而已
矣若晦伯者其學之不正而言之不當者乎
先太史公云歐陽氏五代史與之太過其實至云
勝于史記此宋人自尊其本朝人物之言要其實
未也史記自左氏而下未有其比其所爲獨冠諸

史非特太史公父子筆力亦由其書會輯左氏國語戰國策世本及漢代司馬相如東方朔董諸名
人文章以為楨幹也五代書所載有是文章乎况
其筆力亦萎靡不振不足為司馬遷家奴而云勝
之非欺天罔人而何

陳晦伯正揚云罔人可耳迺云欺天豈天亦讀書耶如此之類令人絕倒余一日舉此以問汝南閻汝用汝用曰無傷也有非國語者有非非國語者有反離騷者有反反離騷者有正揚者

又有正正揚者矣相與大噓非國語乃柳子厚非非國語虞槃元

末人

趙綽

趙綽為大理文帝妄殺人綽諫之不聽帝曰撼大木不動者當退綽曰臣望回天心何論動木上復曰啜羹者熱則置之綽跪復前曰會有涼時

龍頭

魏略曰華歆與邴原管寧遊學相善時號三女為三龍歆為龍頭寧為龍腹原為龍尾○余謂華歆

手刃母后伏氏狗彘不如安得稱為龍頭乎

續晉陽秋曰張玄之少以學頭謝玄為會稽內史

張玄之為吳興太守名亞謝玄亦稱為南北二玄

徐履省元秦檜欲以女妻之及廷對乃佯狂不答

一字

薛元都

薛元都單騎斬曹爽人以此之關某刺顏良○此

乃南宋曹爽非魏曹爽也

奚康生

東魏奚康生彎弓十石祈雨不應鞭石李龍像取

西門豹舌

扁鵲

扁鵲河南府廬氏縣人姓秦名越人故名盧醫扁

鵲封神應王

作者七人

孔子曰作者七人今列于後○儀封人○荷蕢○

晨門○楚狂接輿○長沮○桀溺○荷蓀夫人○
一說伯夷叔齊虞仲夷逸朱張柳下惠少連

楚狂接輿聖人下之少以聖人自居也
荷蓀而南風力難入其蓀者其德也

西陽志云亦接輿以女妻之及長對乃林杜不答
東陽志云主嘗言子子而雨不惠歸子李請對也

吳越世
南齊書齊書非接輿少此之謂也

檢盡隨筆卷八

成都楊宗吾伯相甫纂著

上海王尚修季高甫校閱

人物類

曹操

初操爲司馬建公所荐及爲王召建公至鄴謂曰

孤今日可復作尉否對曰昔舉大王時適可作尉

耳魏紀曰操曰王天五請操曰王天

晉文介之推

晉文公返國賞從亡者介之推不言祿祿亦不及
懸書宮門曰龍欲上天五龍為輔龍已升天四蛇
各入其宇一蛇獨怨遂隱不見○故世言龍蛇之
章嘆恩之薄也

呂與叔

呂與叔蔭官不應舉或問其故曰不敢掩祖宗之
德

羅舍

羅舍致仕還家階庭忽蘭菊叢生人以為德行之

感

本工竹軒今具高谷信有○北史明書上卷陳少
譚用之送友人歸青社詩末云莫學袁生老竹軒
○又文選應據書云幸有袁生時步玉趾推蘇不
止清淡而已

滕王○王安石

先太史公曰滕王貪淫之人社公稱之遂得末減
王安石亂政朱文公稱之遂薄其惡聲

天隱注

天隱注云唐詩人之達者惟高適而已先太史謂
唐詩人之達者李嶠李百藥蘇頌張說武元衡權
德輿豈獨高適乎

劉滄許渾

先太史云劉滄與許渾同時而詩過渾遠甚劉滄
脫洒許渾黏帶觀長洲懷古二首勝許渾百倍不

塞上翁

塞上翁姓李見高谷詩序○北叟即塞上翁也

縣官

漢之時稱天子為縣官○好事之臣為縣官計過
也管子

蝸牛廬

焦先揚沛並作小廬形如蝸牛殼故曰蝸牛廬隱
居自放之意焦先魏人

半面之識

漢應奉善識人一見輒不忘常訪友人不遇其家
有造車匠自門出半面窺之奉後於路識而呼焉

章子之母

章子之母名啓得罪其父其父殺之而埋馬棧之下此事不見於孟子及他書而僅見於國策特表出之

煮白石

韋蘇州云澗底束荆薪歸來煮白石讀者謂其寓言耳○按晉書鮑靚為南陽太守嘗行部入海遇風饑甚取白石煮之以自濟則實有其事矣

鳥中曾參

獸中有汲黯鳥中有曾參○鳥中曾參見白樂天

慈鳥夜啼詩獸中汲黯未見出處

未品幽人

緝簫未品拾艾幽人言貧賤也

太守

戰國策敝邑之王使使者臣勝告太守有詔○按太守之名始此

期門郎

漢職官名期門郎即今之錦衣也

孔奮

漢孔奮爲姑臧長清儉自持人或譏之曰身處脂膏不能自潤言地腴而已瘠也

薛宣

漢薛宣爲臨淮太守民有持纒者出遇雨因以自蔽有一人後至求分蔽其半旣別遂爭之聞于宣宣命斷爲二而分之因罪求分者駱賓王詩爭纒非易辨

六卿

世傳光祿爲飽卿衛尉爲暖卿鴻臚爲睡卿司農

爲走卿宗正爲冷卿暖卿謂其管儀鸞供帳之內冷卿謂其管玉牒所謂玉牒宗室世譜也

李刑

皋陶爲李李者理也刑官也漢書曰黃帝理法

同姓之婚

同姓之婚夷狄之俗也而韓忠獻之長女適韓忠憲億見于墓碑非誣也二公皆名臣而婚姻之際不辨姓如此吁可慨也又何恠於蠻夷之人乎

李宓答王商

宓答益州治中王商曰堯優許由非不弘也洗其
兩耳楚聘莊周非不廣也執竿不顧僕得曝背于
隴畝之中誦顏氏之藁瓢詠原憲之蓬戶時翱翔
于深林與沮溺等儔聽玄猿之悲鳴察鶴鳴于九
臯安身爲樂無憂爲福處空虛之名居不靈之龜
知我者希則我貴矣斯乃僕得志之秋也何困苦
之戚焉

判花詩草

劉後村詩判花人共羨詩字世爭傳 國初有士

謁縣令正值歲除請寫春帖乃書云煙雲動色星
詩草桃李先春入判花令大喜厚遇之

錢癖

和嶠有錢癖○吝澁也

壽過百年
北魏羅結年一百二十歲唐香山九老有李元爽
年一百三十六歲又嶺南揚雞窠老翁年二百餘

王安石

王安石新法毒流寰宇晚歸鍾山乃買魚放生與

梁武窮兵嗜殺而以麪爲義生何異羅鶴林詩曰
錯認蒼姬六典書中原從此變蕭疎幅巾投老鍾
山日辛苦區區活數魚

邵子說

邵子云希夷說持身之術云得便宜事不可再作
得便宜處不可再去

李陵

蕭子顯曰匈奴女名托跋以妻李陵胡俗以母爲
姓爲李陵之後而甚諱之有言其是陵後者輒殺

之而自謂黃帝之後魏收作史乃從而實之以欺
後世

菰蘆中偉人

南唐查文徽以策于李後主主奇之曰菰蘆中偉
人

雌黃塗堂

英雲白雪雄律鳴春畫戟清香雌堂麗曉賀太守
正旦蓋

太守以雌
黃塗堂也

左生

文翁弟子左生遂寧董朗字玄明

蜀志○左生如
今東齋生員

時謠

韓朝為王蜀偽相徇私鬻官時有謠云嘉眉邛蜀
侍郎骨肉導江青城侍郎親情果閬二州侍郎自
留巴蓬涪壁侍郎不惜

古人所好

葉公之好龍支遁之好馬衛懿公之好鶴王右軍

之好鵝

杜季揚雲
林石譜序

張允

張允為吏部侍郎家貲鉅萬而性吝常自係衆鑰
於衣下行如環珮

東省西臺

張震字東南號鑑軒遂寧人為諫官宋孝宗稱其
知無不言言無不當時有語云張震去而東省空
王十朋去而西臺空

執獸子

漢侍中親省起居故俗謂執獸子獸子製器也魏
吉茂調蘇則曰仕宦不止執獸子○虎子曾見不

曾見獸子也初學記

呂溱江都人嘗賦鵬詩云九霄離海嶠一旦到天

池仁宗見之曰此當作狀元後果然

趙與奩南康名宦有趙與奩字當考

六部侍郎

六部侍郎不與政諺曰在朝阿兩阿在部拖兩拖

三九

麋角鴿羽

崔謀求麋角鴿羽於李繪繪答書云鴿有六翮飛

則冲天麋有四足走便下海下官身體疎懶手足

遲鈍不能逐飛追走遠事佞人

神門

宋世良為東郡太守獄內穠生每日衙門虛寂謂

之神門

文苑鉤陳

孫騰在闕下妻昭處鉤陳薛孝通

吟語諷諫

煬帝大業十二年帝問侍臣盜賊翊衛大將軍宇文述曰漸少納言蘇威引身隱柱帝呼問之對曰臣非所司不委多少但患漸近

白芳子弟

文彥博論討瀘夷只是本處白芳子弟白芳子弟不知何解芳草葦也

王著

王著成都人其先右軍之後善攻書筆跡甚媚大宗效諸家字體洞臻精妙以示著著曰未盡善也再問如故久之復以示著著曰功已至矣非臣所及也智永千文一半著所補也

鼎迥義命

鼎迥字明遠謚文元喜質正經史疑義標括字類有以術命問之迥曰自然之分天命也樂天不憂知命也推理安常委命也何必逆計未然乎

蘇子由著書

蘇子由著詩傳春秋傳今不傳

劉安世異人

劉安世字器之元祐全人金人伐其墓貌如生歎

曰異人也蓋棺而去

立地書厨

吳時字伸道邛州人號立地書厨

南園記

韓侂胄屬楊萬里作南園記許以掖垣萬里曰官

可棄記不可作也

伍子胥兵法

伍子胥兵法首云天無陰陽地無險易人無勇怯

主有道德國有富強將有智謀此數言者孫吳不

及也

錢神錢愚

魯褒錢神論王綜錢愚論

梅磻蠖居

胡三省號也

附三三臺

蔡邕三日之間周歷三臺○侍御史侍書御史尚
書曰三臺

飛豹

王彌有學術勇略善騎射青州人謂之飛豹

古人破敵

羊祜輕裘緩帶諸葛綸巾羽扇謝艾輅車白幘以
破大敵

善射

賈堅善馭牛拂其脊毛養由基馭蜻蜓拂其左
翼

龍頭蛇尾

任肇諫楊執曰棄龍頭而從蛇尾非計也

王凝之

王凝之為會稽內史孫恩兵至不設備日於道室
稽顙跪呪曰我已借鬼兵數萬矣恩陷會稽執凝
之殺之凝之妻謝道蘊奕之女也聞寇至命婢肩
輿抽刀出門手殺數人乃被執○凝之右軍不肖

子也

杜黃裳

潘孟揚母問末生少年何人曰杜黃裳夫人曰此人全別必是貴人陳后詩云絳帳未經親宋母綠衣猶記識黃裳

張亮

司農卿張亮素怯懦敵至踞胡床直視不言將士見之更以為勇乃勒兵鳴鼓擊高麗破之○余謂張亮直視不言彼時必破膽癡痴矣近年一客自

邊塞來謂余言一兵備聞達虜至遂閉門堅壁不出後以虜逼近將吏強之扶掖往視彼蒙以眼罩方敢登城余曰如此兵備可謂目中無虜矣客乃失笑唾紙

李迥秀

李迥秀身居臺閣乃奉武后命為張易之母臧氏私夫夜宿張氏晨入鸞臺其人只褚彥回之不若也史猶以出妻叱勝婢為孝贊之大節已虧小善奚贖

翰林之始

翰林之名始于天寶十三載

敲冰掃雪

王休敲冰煮茗陶穀掃雪烹茶

士休逸人其事相類

陳嬰韓信

陳嬰豈其鄙王而不王韓信豈其薄帝而不帝知帝王不可以力爭也

孫萬并

孫浚上賈似道書稱浚萬并號為孫萬并

太守事

金龜結紐銅虎分符○又金魚虎竹亦皆太守事

邵陵王陶弘景碑

平章風月組織煙霞○又云坡老批風抹月陶公組織煙霞

莊子

莊周婦死而歌夫通性命者以卑及尊死生不悼不可論也夫象見死皮無遠近必泣周何忍哉太御覽

陶侃

陶侃嘗語之曰大禹聖人乃惜寸陰至於衆人當惜分陰豈可逸游荒醉生無益於時死無聞於後是自棄也

傳游說夢

傳游執夢登湛露殿以語所親所親告之下獄死
○史戒人說夢

瞽叟

瞽叟拌五絃之瑟爲十五絃瑟事見呂氏春秋他

書不載也此瞽叟當別爲一人非舜父也

陶侃
尚侃嘗語之曰夫高聖人必濟世
是自有其也
傳游說者
○史記人說者
書不傳也此其要也

檢書隨筆卷九

成都楊宗吾伯相甫纂著
上海王尚修李高甫校閱

人物類

宋楊彥瞻

守三衢以書答狀元劉夢炎略云嘗聞
前輩之言吾鄉昔有第奉常而歸旗者鼓者饋者
迓者往來而觀者闐路駢陌如堵墻旣而閨門賀
焉宗族賀焉媵者友者客者交賀焉至於簪者亦

茹恥舍愧而賀且謝馬獨隣居一室高鏑遠引若
避寇然余因恠而問之愀然曰所貴乎衣錦之榮
者謂其得時行道也將有以庇吾鄉里也今也或
竊一名得一官卽起朝富暮貴之想名愈高官愈
亨而用心愈謬武斷者有之庇姦惡持州縣者有
之是一身之榮一害之增也其居日以廣隣居日
以蹙吾將入山林深密之地以避之是可吊何以
賀爲

星星字字

程篁墩舉神童至京有試之者曰星星二字何對
蓋二十八宿首曰角星亢星至柳星二宿曰柳星
星星也程應聲曰字字此雖二字而更無他可對
也漆器有名朱紅二彩色字或以翠碧對之切當
翠碧水中捕魚鳥名陸魯望詩云紅襟翠翰兩參
差徑拂煙華上細枝春水漸生魚易得莫辭風雨
坐多時

牛字候馥

牛字魏郡人立志不與先武交其風節又峻於嚴

光矣而世不之知也沒世之名亦有幸不幸哉其
事僅見于寰宇記○侯韻晉代瀘州人不屈于李
雄史亦失紀而見于地志其事類此

王右丞畫

王右丞畫有苔磯靜釣水閣閑棊二圖人言右丞
畫中有詩此畫不必觀圖見題即詩矣

文虎詩龍

古人謂曹子建為文虎鄭厚目李白為詩龍正可
作對

老聃

石梁王氏曰此老聃非作五千言者○信斯言也
是二老聃矣

會子介生

名臣奏議云會子孝於其親而沉乎水介生忠於
其主而焚於火何則仁也不必可依信也不必可
恃○會子沉水事罕聞

銀杏金桃

陳垣字和仲年四歲長者使屬對指案上銀杏垣

應聲曰金桃問何所據以杜詩鸚鵡啄金桃爲對

老子父

老子父爲上御大夫娶益壽氏女嬰敷生老子○

出太平廣記 ○沈瀛詞云清徹雲歌益壽

三字四字姓

自復姓之外有二字姓如侯莫陳阿史那是也中國亦有之潛夫論有白巴公氏四字姓則有自死獨膊井疆六斤皆夷狄之姓夫中國無衍語一言見一義夷狄多侈辭數言見一義或曰中國用文

字有定形夷狄用聲音有長短

陽豎

戰國策云嚴氏爲賊而陽豎與焉○陽豎卽陽聖

聶政之副猶荆軻之秦舞陽也 西周

楚冒勃蘇

楚冒勃蘇曰吾披堅執銳赴強敵而死此由一卒也○王元美四部稿云哭秦庭而救楚者左傳以爲申包胥戰國策以爲楚冒勃蘇此非二人戰國策之誤也○余曾見先太史公批國策簡端云楚

冒勃蘇卽申包胥蓋方言耳四部稿止云非二人亦未明言爲方言也

楚

刺客
余考古之刺客曹沫唐睢功成而生專諸聶政成功而死豫讓荆軻身亡而名立

潘江陸海

晉潘安仁人稱其才如江陸機人稱其才如海○二人俱爲縣令故有潘江陸海之說

阿買

退之詩云阿買不識字頗知書八分或問黃魯直阿買是退之何人魯直云退之姪也必有所據

稽機

唐譚用之寄閔記室詩云織錦歌城下翠微豈勞西去問稽機○注稽機嚴君平也未見出處

三李杜

漢書靈帝黨事起杜密免歸本郡與李膺俱坐而名行相次時人稱李杜焉又有李固杜喬亦齊名一時并唐李白杜甫是三李杜矣

碧山學士

杜詩碧山學士焚銀魚註碧山學士張褒梁天監中不供學職御史劾之褒曰碧山不負吾廼焚章長嘯而去○先公云張褒無此人亦無此事乃偽蘇注所編捏以誑人者洪容齋嚴滄浪劉涇溪已發其謬而邵公猶信之信乎博雅之難也

常琮

焦弱侯筆乘言詩有就用成語爲句者隋常琮侍煬帝遊寶山帝曰幾時到上頭琮曰昏黑應須到

上頭杜子美香積寺詩遂用之○先公會云隋亦無常琮此亦爲僞注所誤

韓湘

韓文公宿江口示姪孫湘二首左遷至藍關示姪孫湘一首皆言姪孫而今傳奇者皆名爲姪何歟○按湘祖諱介生二子百川老成百川無後老成生二子曰湘曰滂滂善爲文見文公撰滂誌銘今人且曰韓湘子多一子字不曉何所從起○又見唐登科記韓湘字北渚

蘇登驥子神賦中此語

杜詩驥子春猶隔○余考驥子即宗武熊兒即宗文皆公子也得家書云熊兒幸無恙

○阿戎

杜公守歲杜位宅詩守歲阿戎家椒盤已頌花宋王思遠勸其兄晏自裁以全門戶晏不從思遠後為世祖佐命臣謂思遠曰阿戎昔勸我若從之豈有今日洙注曰晋宋人多呼從弟為阿戎

甘羅

世傳甘羅十二為丞相誤矣○按史記云羅事相呂不韋因說趙有功封為上卿不曾為丞相也相秦者茂羅之祖也又戰國策甘羅說文信侯曰夫項橐生七歲而為孔子師今臣生十二歲於茲矣○余往來新安見城東五里道傍豎碑云秦上卿甘羅墓又曾見宋子虛詠甘羅云函谷關中富列侯黃童亦僭上卿謀當年園綺猶年少甘隱商山到白頭後見新安志云羅十二相秦卒葬於此詳見鄉賢

國朝劉元凱詩云聞說甘羅十二時已登丞相世
爭奇至今三尺墳前土也許間人任意掣想志書
及劉元凱俱誤耶志云詳見鄉賢但未見鄉賢記
耳余亦有詩云三尺碑題甘上卿道傍指點最分
明世傳十二爲丞相千載胡然浪得名又云憶昔
甘羅說趙時上卿十二亦稱奇可憐皓首窮經者
不及當年說客詞

享阿封卽墨

齊世家卽墨大夫毀言日至阿大夫譽言日至而

不載毀譽者爲誰○按列女傳齊威王卽位諸侯
共侵之佞臣周破胡專權擅勢嫉賢妬能卽墨大
夫賢而日毀之阿大夫不肖而反日譽之齊虞姬
者名損之威王之姬也謂王曰破胡謾佞之臣也
不可不退齊有比郭先生者賢明於道可置左右
王乃封卽墨大夫以萬戶烹阿大夫與周破胡遂
收故侵地齊國大治

孫濟

杜詩酒債尋常行處有注孫濟權之叔也嗜酒不

治產業常醉欠人酒緡人皆笑之濟怡然自若謂
人曰尋常行坐處欠人酒債欲質此緡袍償之○
先太史公謂孫濟無此人亦無此事

牛哀

牛哀人名病七日化而爲虎搏其兄而殺之方其
爲虎不知曾爲人也見淮南子

盧充

晉盧充以鬼子世族相承歷顯位

夷齊

伯夷姓墨名允字信先一說姓姜後有稱爲姜夷

者

鬼谷

鬼谷子楚人隱鬼谷不著名氏續仙傳曰鬼谷子
卽王詡也得道爲地仙

王宗衍

王宗衍禁錦綺珍異不得入中國其粗惡者乃聽
謂之入草物莊宗聞之怒曰宗衍寧免爲入草之
人乎

八 同姓名

漢有兩張敞兩王成兩徐幹皆賢兩朱買臣一漢會稽太守一侯景之臣沉梁主棟于水

金匏銀鹿

金匏曹子建僕名銀鹿顏魯公僕名

宓子賤

韓非子云宓子賤西門豹不閉而死人手董安于死而陳于市○按此事不經見也

子胥

子胥出走邊候得之子胥曰上索我者以我有美珠也今我已亡之矣我且曰子取吞之邊候釋之

魏卯

魏卯東說而齊荆罷魏襄王養之以五乘將軍卯曰伯夷以將軍葬子首陽山之下而天下曰夫以伯夷之賢與其稱仁而以將軍葬是手足不掩也今臣罷四國之兵而王但與臣五乘此其稱功猶贏乘而履蹻

酒令

揚大年行酒令李耳生指李樹爲姓生而知之黃
宗旦曰馬援死以馬革裹尸死而後已

寇豹謝觀

寇豹謝觀同入崔裔相公門下觀嘗作白賦有曰
晚入梁王之苑雪滿群山夜登庾亮之樓月明于
里豹作赤賦云田單破燕之日火燎于原武王伐
紂之時血流漂杵

嚴續

嚴續在中書備位而已無學術爲朋列所輕江文

蔚爲螭螭賦以譏之曰口裏雌黃每失途而相照
曾中兵甲嘗聚衆以橫行又云外視多足中無寸
腸

諸葛亮

傳子曰諸葛亮誠一時之異也治國有分御軍有
法積功與業事得其機入無遺刃出有餘糧知蜀
弱而危故持重以鎮之物理論

一人二名

驩燕卽渾敦共工卽窮奇鯀卽檮杌三苗卽豷象

平原信陵

伊尹箕子可謂諫矣比干子胥可謂諍矣平原君可謂輔矣信陵君可謂排矣○夫以平原信陵配伊尹箕子荀子之取二公子至矣

[Faint bleed-through text from the reverse side of the page]

檢盡隨筆卷十

成都楊宗吾伯相甫纂著

上海王尚修李高甫校閱

婦女類

卞壺夫人靈異

太祖嘗至朝天宮前見一孝婦服重服而大笑問曰觀婦人之被服如此而大笑何也曰吾夫為國而死為忠臣吾子為父而死為孝子然則天下之婦人其好天好子未有如我者矣吾所以喜而笑

也 太祖問曰汝夫已葬乎婦人以手指之曰去此數
十步是吾夫埋玉之處也言訖忽不見昔夫為國
太祖識其處明日命有司往視之則黃土一坏草
木森翳及掘地數尺見其誌則晉卞壺之所藏也
面色如生兩手皆拳其指甲出手背外六七十是
時城中墳墓有禁 太祖以其為忠臣也遂命掩之仍立廟命有司春
秋祀之 遵聞錄

婦人娠戒

婦人覺有娠男即不宜與接若无忌主半產蓋女
與男接欲動情勝亦必有所輸泄而子宮又悶固
多致半產牛馬之類受胎後壯者近身則蹄之謂
之護胎所以無半產者人惟多欲而不知忌故往
往有之產寶論及婦人科書俱無比論可謂擴前
人所未發矣

妖女

平涼府靈臺縣古密須之國姐已生於此其地有

姐已川褒姒主於褒城縣或后生於利州淇地有
則皇菴揚妃生於灌縣之蒲村其地浴妃池皆妖
女傾人國家者也阮嗣宗詩應龍沉冀州妖女不
得眠蓋指趙主父幸姬吳姚之事應龍沉冀州之
說不可考見清暑錄

一產四男

北魏延興三年秀容郡婦人一產四男四產十六
男秀容今太原之忻州陸文裕公外集

漆室文

魯漆室色之女過時未適人傍柱而歎鄰婦曰子
欲嫁乎曰非也予憂魯君老太子幼鄰婦曰此文
夫之憂也國策

柳枝

白樂天妓有樊素小蠻所謂柳枝者即樊素爲善
唱柳枝詞非別是一人也

健仔

方言豐人楚謂之仔漢女官名健仔言其豐滿而
便捷也○又女面曰龐兒言其豐滿也

明妃村

余向讀杜詩生長明妃尚有村查虞註亦不注爲
何地人近讀白樂天過昭君村詩白黑既可變丹
青何足論竟埋代北骨不返巴東魂始知昭君乃
蜀巴東人也

竹王祠

漢夜郎國初有女子浣於水濱見大竹三節流入
足間聞其中有聲取歸剖之得一男子極長有材
武自立爲侯以竹爲姓今夜郎縣有竹王祠曰

嬌艷輕盈

古詩嬌艷輕盈香雪膩○先公云輕而不盈是粉
骷髏盈而不輕是母笔子

揚貴妃

揚貴妃被召入泣別父母天寒淚爲紅水

挑根

白樂天間營詩云挑根知酒渴晚送一甌茶○挑
根乃婢子名也

畫贊序

陳思王畫贊序曰昔明德皇后美於色厚於德帝
用嘉之嘗從觀畫過虞舜見娥皇文英帝指之戲
后曰恨不得如此爲妃又前見陶唐之掾后指堯
曰嗟乎群臣百僚恨不得如此爲君帝顧而笑

陽阿

陽阿○古妓名足躡陽阿之舞是也

明妃五弄

琴集云昭君五弄辭漢跨鞍望鄉奔雲入林凡五
弄焉

蔡琰

蔡琰字昭姬一說字女姬

婦駟

每歲荒及節迫往往使老婦駟携書畫出售○婦
駟今賣婆也○元章書史

妓稱錄事

妓稱錄事謂爲酒糾也○相臺之東有錄事巷名
妓崔小紅所居

薛濤

成都薛濤者營妓中尤物也元微之使蜀屢陪燕
笑元公後於松花紙上寄詩云別後相思隔煙水
菖蒲花發五雲高薛干浣花種菖蒲故有是句蜀
中松花紙金沙紙流沙紙彩霞紙金粉紙龍鳳紙
近年皆廢唯十色牋尚在 牧豎閑談

單氏

成都有妓單氏送陳搏先生詩有云帝王師不得
日月老應難○想亦薛濤之輩但單氏失其傳矣

李昭儀

劉後主昭儀李氏遷于魏魏以宮人賜諸將昭儀
自殺噫劉禪不能背城死社稷不止有愧其子北
地王諶有愧於李昭儀多矣

鴛鴦圻

魚津在南溪縣津南有鴛鴦圻益部耆舊傳云樊
道有張具者娶黃氏女名帛真因乘船過河船覆
設帛求夫尸不得遂自沉焉積十四日帛乃挾夫
屍出於灘下因名爲鴛鴦圻

君廬屋妾

君盧屋妾盧女自稱早下之辭也 盧盧通

浮磬石

高琳字季珉母於泗濱得一石光彩朗潤夜夢人曰此石浮磬之精寶之必生貴子

香雲膩雪

張泌詞雲采輕盈香雪膩○香雲膩雪可爲妓名

綰妓

劉靜甫戲友人綰琴妓○綰者開房上頭號爲郎婿今云梳櫛

僞蜀二后

前蜀徐公有女美而奇艷初王太祖搜求國色亦不知徐公有美女爲徐寓其二女直以感之遂納焉各有子焉長曰翊聖太妃生彭王次曰順聖太后生後主性多狂率不守宗祀頻歲省方政歸國母多行殺令亟戮重臣乾德中姊妹以巡禮至境爲名恣風月煙花之勝駕輜輶於綠野擁金翠於青山倍後生靈頗銷經費凡經過之所宴寢之宮皆有篇章刊于玉石自秦漢已來妃后省方未有

富貴如斯之盛也

張麗華

張麗華髮長七尺其光可鑑進止詳華每瞻視盼
睒光彩溢目○唐詞七尺青絲芳草綠絕世難得
女將軍

革命記李商胡母竇氏善騎射號女將軍○又見
河洛說

漏月

秦始皇彈琴女子名傳意於秦王果脫荆軻之難

李白後裔

范傳正廉問宣池訪李白子孫獲孫女二人一為
陳雲之室一乃鄭勸之妻皆編戶之賤也因召至
郡庭相見與語衣服村落形容朴野而進退閒雅
應對詳諦且祖德如在儒風宛然問其所以則曰
父伯禽以真元八年不祿而卒有兄一人出遊一
十二年不知所在父存無官父歿無名有兄不相
保為天下之棄人無桑以自蠶非不知機杼無田
以自力非不知稼穡况婦人不任布裙糲食何所

仰給儷于農夫救死而已久不敢聞于縣官懼辱
祖考鄉間逼迫忍恥來告言訖淚下時對其無
十二年不賦府其父齊慶官又與縣官官與
交由舍以真武以事不報而卒其父與大比
亦惟其語且時對其父謝風災問其所以因曰
積氣所成與語不報其父與而步取問其
刺雲之至一八續續之去皆論之細少因云至
其對其意問宜所結李曰于無新紅丈二人一
其於李自對其下其傳其於李果其於其

檢蠹隨筆卷十一

成都楊宗吾伯相甫纂著

上海王尚脩李高甫校閱

宮室亭榭類

水竹居

薛野鶴云人家住屋須是三分水二分

方好此說甚奇

宅字說

軀殼已足吾身外宅宮室又是吾軀殼外宅修亦

何為徒使惡滋 魏子才

居室說

凡堂室取象周身堂以為面室以為背門戶口鼻也
凶牖耳目也廊廡其手足矣乎

筍壯

筍壯結屋枋湊合處必有牝牡筍穴俗呼為公牡
筍是也 詢菊錄

麗譙

麗譙更鼓樓也高而華麗 曹操所建

王屋

古王者之屋四柱太行似之故有王屋之名又王
屋山一名陽洛山

槐掖

南史槐掖之語謂三槐之列也唐詩以對楓宸

阿門

山之曲京曰阿詩所謂卷阿是也屋之曲簷亦曰
阿史所謂阿閣是也阿門 見莊子

當關

當關司門之人也起於漢置

仙宅

顧野王云武夷地仙之宅天台天仙之宅

金鋪

金鋪門上椒塗也傳奇所謂戶列八椒塗

陵雲臺

文帝黃初二年築陵雲臺七年三月築九華臺樓
觀精巧先稱平衆木輕重然後造無錙銖相結臺
雖高峻常隨風搖動而終無傾倒之理明帝登臺

懼其勢危別以大木扶持之即顏壞論者謂輕重
力備也 王海賢室庭

鳳陽門

鳳陽門鄴城門也魏武帝都之門上有鳳二枚其
一飛入漳水其一以鐵絆鎖其足鄴中謠曰鳳陽
門南天一半上有金鳳相飛喚欲去不去著鐵絆

葉縣無東門

南陽諺云葉縣無東門余詢之士人云東城樓上
蝎極多若一闌則蝎傷人至死自

武廟時封閉至今非無門也者而不開耳

甘泉宮

甘泉宮有三秦之甘泉宮在渭南漢之甘泉宮在雲陽磨石嶺上隋之甘泉宮在鄠縣

躋閣

閭當道門閉一扇開一扇一人在外一人在內曰

躋閣

端門

管子曰桀女樂三萬人晨譟於端門樂聞于三衢

則端門自夏時已然矣

慈幼局

宋淳祐七年創慈幼局遺棄小兒民間有願收養者官爲倩貧婦就局乳視官給錢米如令

鮑窓

蔣捷詞秋窓過雲集作鮑窓尤奇蓋以魚鮑骨爲明窓也議興蔣捷字勝欲號竹山其詞奇崛悽麗

翠微宮

揚大年曰翠微宮在驪山絕頂太宗苦京師盛暑

命修終南山太和廢宮爲翠微宮王維詩帝子遠
辭丹鳳關天書遙借翠微宮

翠華宮

貞觀二十年秋七月上以翠微宮險隘不能容百
官詔更營玉華宮於宜春之鳳凰谷○杜甫有玉
華宮詩宜入此注

青雀門

洞冥記曰漢武帝生時有雀群翔於灊城門改爲
青雀門乃飾以錦文石爲列錢之形門入李詩青綺

却月長雲

橫却月於天街劃長雲於地脉○却月長雲俱城
名

萼室

萼室后妃產室也見賈子

金井闌

西征卽太極殿有金井闌金博山鹿盧蛟龍負山
於井上下亭

鮑宣行部多宿下亭司直舉劾以為輕威損命○
可為不住公廨判事○昔人有云子產居于隸舍
知晉政之衰頹鮑宣宿于下亭見漢威之輕損

龍綃宮

龍綃宮在南海泉客織綃之處也 述異記

司空圖二亭名

擬綸修史○可作詩料

蘇軾梓澤

晉石崇有別館在河陽之金谷一名梓澤用之感

懷詩竹屋亂煙生梓澤是也

雲塢

咸澤禪師云一塢白雲三間茅屋

片玉亭

莫宣卿關建縣人唐太中年狀元住金鏤村片玉

亭

小摘

小摘為親情謝靈運永嘉記以小摘供日小摘可

為園圃名

義臺

義臺一本作義臺猶靈臺也

如皇之臺

吳王築如皇之臺 卽姑蘇臺


當翠

杜詩名園當翠巘 〇當翠可作亭名

拔雲

拔雲可爲亭名 〇太白詩拔雲尋古路

雲埒



雲埒可爲亭名 〇沈約詩思仙慕雲埒

自雨亭

以寶鈿爲井幹引泉激雷號自雨亭 王鉞

繡稜

繡稜亭名用南山詩南山見高稜縷脉碎分繡之

語


〇亭名園名堂名

聳翠 〇平翠 〇凝翠 〇積翠 〇空翠 〇浩翠

〇環翠 〇躡雲亭 〇披霞亭 〇采芳 〇怡曠

○求志園 ○清容軒 ○養餘園 ○遂初堂
如閣名 ○棲雲 樓名 ○叢桂 亭名 ○靜觀 庵名 ○貯
 春 ○竹里館 ○觀物堂 ○擷秀 ○挈芳 ○隔塵 ○
 快雪齋 ○朗軒 ○天尺 樓名 ○晚香亭 ○蒼斗 坊名
 亭 ○翠笠 亭名 ○寒碧軒 竹也 ○暖紅閣 河棠元
 ○石樓 ○石函 ○碧臯

以青... 井... 泉... 自雨亭 王...
 樓... 雨亭... 大... 竹... 亭...
 樓... 雨亭... 大... 竹... 亭...



花

